



SLUŽBENE NOVINE

KANTONA SARAJEVO

Godina XXV - Broj 46

Četvrtak, 19. 11. 2020. godine
SARAJEVO

ISSN 1512-7052

KANTON SARAJEVO

Skupština Kantona Sarajevo

Na osnovu člana 18. tačka b) Ustava Kantona Sarajevo ("Službene novine Kantona Sarajevo", br: 1/96, 2/96, 3/96, 16/97, 14/00, 4/01, 28/04, 6/13 i 31/17), Skupština Kantona Sarajevo, na 30. Radnoj sjednici održanoj 17.11.2020. godine, donijela je

ZAKON O DOPUNAMA ZAKONA O UBLAŽAVANJU NEGATIVNIH EKONOMSKIH POSLJEDICA I UŠTEDAMA U KANTONU SARAJEVO

Član 1.

(Dopuna člana 2.)

U Zakonu o ublažavanju negativnih ekonomskih posljedica i uštedama u Kantonu Sarajevo ("Službene novine Kantona Sarajevo", broj 18/20), u članu 2. iza stava (2) dodaju se novi st. (3) i (4) koji glase:

"(3) Vlada će osigurati finansiranje cijele ili dijela minimalne mjesečne neto plaće na nivou Federacije Bosne i Hercegovine za mjesec juni i juli 2020. godine za djelatnosti kojima je rad znatno otežan zbog posljedica uzrokovanih pandemijom koronavirusa.

(4) Vlada će na prijedlog Ministarstva privrede Kantona najkasnije u roku od deset dana od dana stupanja na snagu ovog zakona donijeti poseban akt o postupku finansiranja iz stava (3) ovog člana."

Član 2.

(Dopuna člana 3.)

U članu 3. iza stava (5) dodaju se novi st. (6) i (7) koji glase:

"(6) Izuzetno, od st. (1) i (5) Fond će se uspostaviti putem Sarajevske regionalne razvojne agencija SERDA d.o.o. Sarajevo, formiranjem nove kreditne linije. Postupak izbora Banke će provesti SERDA d.o.o. Sarajevo u skladu sa Zakonom o javnim nabavkama.

(7) Odluku o načinu realizacije Fonda iz st. (1) i (6) donijet će Vlada."

Član 3.

(Dopuna člana 13.)

U članu 13. iza stava (1) dodaje se novi stav (2) koji glasi:

"(2) Vlada će u roku od sedam dana od dana stupanja na snagu ovog zakona donijeti izmjene/dopune programa iz stava (1) ovog člana radi provođenja finansiranja iz člana 2. stav (3) ovog zakona."

Član 4.

(Stupanje na snagu)

Ovaj zakon stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-45927/20

17. novembra 2020. godine
Sarajevo

Predsjedavajući

Skupštine Kantona Sarajevo
Dr. Mirza Čelik, s. r.

Vlada Kantona Sarajevo

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 88. vanrednoj sjednici održanoj 10.11.2020. godine, donijela je

ODLUKU

Član 1.

Daje se saglasnost J.U. Zavod za hitnu medicinsku pomoć Kantona Sarajevo za prijem u radni odnos na određeno vrijeme do 1 (jedne) godine sljedećih radnika:

- 3 (tri) doktora medicine,
- 6 (šest) medicinskih sestara - tehničara,
- 6 (šest) vozača za prevoz hemodijaliznih pacijenata.

Član 2.

Daje se saglasnost J.U. Zavod za hitnu medicinsku pomoć Kantona Sarajevo da angažuje 5 (pet) RTG tehničara po osnovu ugovora o djelu na vremenski period do 1 (jedne) godine.

Član 3.

Za prijem naprijed navedenog kadra ustanova ima obezbijedena finansijska sredstva.

Član 4.

Prioritet u zapošljavanju imaju lica utvrđena u članu 23. Zakona o dopunskim pravima boraca-branitelja BiH ("Službene novine Kantona Sarajevo", broj 45/12 i 26/14).